

開放文學－英雄傳奇－大唐秦王詞話  
第二回 唐高祖郊天頒大赦 王世充毀詔殺欽差

詩： 竟忘禍亂起蕭牆，思患何勞急預防。

六國初平千里怨，一城甫築萬民亡。  
民心不屬剛強主，天意還歸仁義王。  
萬世僅傳三世業，漢兵先已入咸陽。  
興衰一定數非常，三尺龍泉夜有光。  
赤幟既張知漢造，白蛇初斬識秦亡。  
阿房寂寂生芳草，行殿淒淒半夕陽。  
惟有當年衰柳在，迎風泣露斷人腸。  
謀王定霸笑談中，大宴鴻門兩會同。  
呂業盡隨炎火赤，秦基俱逐卯金紅。  
范增空負安邦志，項伯翻施舞劍功。  
楚漢興亡千載隔，落花依舊恨東風。  
垓下初聞鐵騎過，拔山力盡奈愁何。  
數年霸業移劉策，一旦雄師散楚歌。  
夜永揮戈悲壯士，月明接劍泣嬌娥。  
繁華滿目空流水，依舊閒花野草多。  
新詩歌罷休惆悵，再表唐王頒赦文。  
話說唐高祖駕設早朝：紅輪扶擁大明宮，天樂遙聞在半空。  
閭闔已知宮漏盡，冕旒初坐御香濃。  
只聽隱隱淨鞭三下響，試看層層文武兩班齊。  
百官朝賀已畢，帝問：「班齊了，聽寡人旨意：  
自昔煬帝行無道。四海紛紛起戰爭。  
黎民流散何時定？黔首棲惶甚日寧？  
君臣整理安邦策，宰輔商量樹國因。」  
興唐翊國劉文靖，執簡當頭奏聖人。  
「只因唐政寬洪興帝業，隋煬無道失乾坤。  
若教天下民安樂，願王速賜郊天大赦文！」  
唐高祖問眾文武：「今四海倒懸，生民塗炭，救世之策，何者為先？」

言未絕，班部中閃出民部尚書劉文靖，叩頭奏聞：「吾主！目今現有一十八家改年號，六十四處動刀兵。隋朝革命，天下不知我主登位，請放郊天大赦。曉諭天下，將在外大小官員，量才升擢，換印更符，使四海知聖明在位，如披雲霧而睹青天。即有不奉王命者，興師徵討有名。如此方得太平！」高祖准奏，命學士修詔，頒降天下。學士領旨，取文房四寶修詔。但見：金星玉硯，分明泉脈浸蛟螭；龍劑玄霜，磨動青光噴麝腦。花箋雲錦，印成舞鳳飛龍；象管紫毫，書就銀鉤鐵畫。修成唐國一朝赦，按盡蕭何六律條。修下詔書，進上高祖，用了御寶，各遣使臣領去，止有河南詔沒人領。高祖問說：「河南詔書，怎麼沒人領會？」劉文靖奏說：「河南留守王世充，為人譎詐，好殺人，只因此無人敢去。須差的當官員，方可去得。」高祖問：「卿推選何人？」劉文靖說：「太尉楊通，為人廉介，可以副命！」高祖宣楊通吩咐：「卿捧詔河南，用心安撫，勿辜朕望！」楊通道：「不勞聖慮！」領詔出朝，趕離長安城。正是：羅衣蕩漾紅塵內，駿馬驅馳紫陌中。

太尉蒙宣離帝輦，楊通捧詔出西秦。  
出門正遇三春景，河開冰泮水流溫。  
杏蕊乍舒雲掩境，桃花初發火籠村。  
垂堤揚柳枝枝綠，接漢峰巒點點青。  
萬紫千紅如錦繡，鶯啼燕語弄春晴。  
一鞭馬出潼關外，別是鄉風另換人。

楊通出了潼關，見關外一片荒郊，地穢田蕪，無人耕種。楊通心下自忖：「關裡花一叢，錦一簇，怎麼關外這等蕭條？」但見：村居牢落，茅舍傾頽。不聞犬吠雞鳴，只見狐蹤兔跡。種稻田一派荒蕪，打麥場遍生荊棘。蕭條旅邸，馬嘶古道少人行；寂寞樓台，燕語危梁亡舊主。

啼鳥數聲花更落，八分山水二分人。  
漫漫荒蕪蘆葦地，全無一處好黎民。  
十莊九戶空茅舍，半掩柴門不見人。  
筐架無蠶難收繭，稻苗荒廢盡為塵。  
楊通馬上頻嗟歎，取問途間父老身，為甚這方無百姓，因何此地少居民？」  
語罷鄉民忙答應：「大人在上好知聞，皆因煬帝行無道，每歲頻將土木興。  
催徵糧稅無時歇，巧取民財不暫停。  
差繁役苦難耕種，世亂民荒怎度生？  
俊俏兒郎挑野菜，風流美女彩蒿根。  
因此人家逃竄盡，十莊人有九莊貧！」

楊通說：「如今新君即位，改大唐一統天下，郊天大赦就到，軍民人等，勿得驚惶逃竄，各守家業。」

太尉不看荒田景，領宣直至洛陽城。  
且談河南府主王留守，上管軍來下管民。  
不整民間興利事，衙中只是要金銀。  
升廳聚下兵和將，猛閃當該報事人。  
長安大國天牌至，馬走人忙似捲雲。

王留守坐廳議事，軍校來報：「朝廷有赦到了！」王世充即忙帶領當該官吏，出城迎接，把聖旨接上廳堂，盞添淨水，爐檀沉檀。朝拜已畢，開讀聖旨：

九重頒詔出西秦，敕賜傳宣四海聞。

煬帝荒淫遭弑後，金鑾禪位朕居尊。  
上苑麒麟游聖世，丹山彩鳳現昇平。  
紅日麗空昏暗散，光輝天地盡沾恩。  
武德神堯為帝王，宣明文武盡欽承。  
府州縣治皆升賞，糧稅三秋暫免徵。  
龍領已識唐天子，風歷新頒李聖人。  
別開條款當今事，毋得依違玉詔文。

奉天承運皇帝詔曰：開天劈地，皇王位冠三才；舉義興師，禪位朕登大寶。仰稽天貺，臣庶同情，特頒大國之恩，廣布好生之德。條陳於後，主者施行。

頒聖旨出朝廷與民約法，布新條除苛政四海咸聞。  
答四十杖一百徒流斬絞，總民間輕重罪務在原情。  
晝搶奪夜竊盜行兇放火，販私鹽雕假印掘墓偷墳。  
造海船通外國監守自盜，罵尊長投匿名打點衙門。  
奴欺主妻毆夫子孫違令，娶親屬亂倫理良賤成婚。  
棄邊塞失城池擅離信地，出假批圖影射越渡關津。  
有正妻又娶妻將大作小，背夫逃居喪喪同姓為婚。  
窩賭博指犯奸挾妓飲酒，誤打傷威逼死鬥毆傷人。  
叔毆嫂弟罵兄干犯名義，販私茶並匿稅掠買良人。  
漏戶口隱田糧躲逃差役，冒官糧放私債違禁豪民。  
唆詞訟害良民指官誣騙，妝假官私造鈔遞取公文。  
構師巫召神將書符咒水，習白蓮行左道假降邪神。  
除謀反犯十惡大赦不赦，彩生靈造蠱毒永不瀾刑。  
已發覺未發覺悉皆赦宥，已結證未結證盡沐皇恩。  
眾罪犯出囹圄拜酬天地，感君恩瞻北闕萬歲齊聲。

王留守聽讀罷詔書，怒從心上起，惡向膽邊生：「我只道隋朝來的旨意，原來是賊子李淵的赦書！你是太原府留守，我是河南府留守，都是隋朝之臣，你怎敢擅自為君！」把詔書扯得粉碎，將宣匣撇在廳前。

世充看罷皇宣詔，欲發心頭發火雲。  
扭壞銀台丟去盞，踢開香桌撩開盤。  
手提銀鼎拋塵土，紅袍扯得碎紛紛。  
怒指西秦多毀罵：「李淵賊子敢欺心！  
一般兩地為留守，偏你為君我做臣！  
你若長安興帝業，我在西京管萬民。  
篡國陰謀為帝王，我今聚眾起強兵。  
有朝並滅唐天下，方顯英雄蓋世人！」  
楊通發怒回言罵：「匹夫無狀敢欺君！  
抗敕合該夷九族，違條應滅滿家門。  
吾回大國難甘罷，奏上神堯聖主聞。  
那時遣將與人馬，只怕你難敵貔貅百萬兵！」

世充見罵大惱，跑上前，把楊通扯住。只見：劍揮一道紅光現，血染廳前頭落塵。急喚軍士，把屍首抬出荒郊，灑掃廳階。又把安平割去耳朵放回。且說世充立越王楊侗即皇帝位，改元皇泰元年。正是：草創為君，佛暫暫為御磬；倉忙立國，寺鍾權作金鍾。彎弓佩劍，盡皆山野農夫；束帶頂冠，總是鄉城子弟。

皇泰帝封世充為左僕射，總督內外軍馬。  
背反世充多殺氣，侵朝留守長精神。  
洛陽開了王官殿，立起楊侗做帝君。  
吏典糧耆為萬戶，陰陽子弟做朝臣。  
女婿外甥稱國戚，農夫牧子作家兵。  
俊俏紅娘為繡女，風流裡老管千人。  
登臨帝輦擒高祖，踏碎咸陽捉李君。

王世充結勾奸黨，恣行威福。子弟皆點禁兵，勢傾內外，皇泰惟拱手而已。一日，世充在府，有一黃冠道人謁見，門吏報進。世充分付：「請進來！」道人行進廳階，望世充稽首施禮。世充問：「仙鄉何處？來此何干？」道人答曰：「吾乃河北人氏，姓桓名法嗣，曾授異人秘書，善曉天文。近觀河南有天子氣象，不遠千里而來，輔佐大王。」袖中取出一卷秘書，上面畫著一男子，手持一竿竹，驅羊於前。世充問：「先生，此圖怎麼解說？」桓法嗣說：「一竿為王驅羊者，乃大王得隋煬帝之天下，兆應合興王業。以此特來輔佐大王登位建國。」世充見說，萬千之喜，一面吩咐置酒管待。霎時間，酒席完備。世充邀桓法嗣到書院中，分賓而坐。二人飲酒，商議機密大事。桓法嗣附耳低言，細說了一遍，世充心喜神歡。不覺更闌夜靜，世充分付家童備鋪陳，送先生西軒安歇。朝來暮去，過了旬日。桓法嗣選下吉期，與世充說：「明日好起手建都，事不宜遲！」即日分撥心腹將士。

到次日早朝時候，布列朝綱。世充與桓法嗣帶劍趨入朝堂，邀皇泰帝出別殿，世充仗劍斬之。桓法嗣立殿階，仗劍在手，厲聲言曰：「皇泰已滅，國不可一日無主，立元勳王僕射為帝，有不服者，劍下誅之！」百官俯伏聽命。一面吩咐宮監，遷出泰帝屍首，灑掃殿階，一壁廂尚衣監進上冠冕袍笏。桓法嗣扶世充登了寶位，階下文武，山呼萬歲，揚塵舞蹈，朝拜新君。正是：昨夜九天分列曜，今朝海宇僭稱王。改元開明元年，東鄭王即皇帝位。立皇太子玄恕，東宮守闕。弟王元，封一字王。桓法嗣封調兵軍師，封張永通鎮殿將軍，封燕義執金吾大將，石贊左監軍，雷延右監軍，長孫安舍游擊將軍，郭士衡大將軍，周武、艾先、周文英、徐成等，俱封偏將軍。封官已畢，傳旨設宴，慶賞文武，備禮物享祀天地。

棟懸龍鳳闕，地襯紫氍毹。雲屏瑞彩現虹霓，珠箔銀鉤浮翡翠。筵前器皿，盡皆嵌寶鑲金；席上盤盂，總是佳饈美味。香焚沉麝噴雲霧，樂奏簫韶慶太平。

不提世充改元建國，再說跟太尉楊通背官匣的頭目安平，不分曉夜，奔回長安城。候高祖設朝，隨百官朝拜已畢，俯伏丹墀，奏說：「臣是跟太尉楊通下河南去的，被王世充不遵上命，扯毀詔書，殺了楊通。如今改元建號，買馬招軍，將臣割耳放回，侵犯邊界。奏聞萬歲。」高祖大怒，龍眉倒豎，鳳眼圓睜，問眾文武：「王世充反賊，誰領兵下河南征討？」班部中閃出劉文靖叩頭：「臣啟我主！徵討王世充，必須二殿下領兵，方得成功！」高祖准奏，即差近侍官，到西府宣秦王見駕。

不多時，秦王到御前，問說：「父皇宣兒何用？」高祖道：「今有河南王世充，抗違旨意，毀詔殺使，擅改年號，稱王道寡，

欲謀天下。朕要興師問罪，待宜吾兒下河南征討。」秦王說：「父皇高枕無憂，兒觀世充這賊，乃井底之蛙，釜中之魚。臣領大軍到河南，不須兩陣，擒賊還朝！」高祖問：「吾兒怎生料敵，就能取勝？」秦王奏說：「王世充這賊，剛暴寡德，好殺不仁，如守株之兔，無雄圖遠大之謀。況新創之國，人心未堅，兵甲未練，府庫未充，糧草未濟，焉能拒敵？今我兵精糧足，長驅南下，勢如破竹，何煩聖慮！」高祖見說，大喜：「天下兵馬，隨吾兒調遣，勝敗當算，不可輕敵，早報捷音。」

班部中閃過李靖，奏說：「二殿下徵討河南，兵威雖則取勝，其間不測之災，還要趨吉避凶。臣按陰陽，三件要緊守，方可去得。」秦王問：「哪三件事？」李靖說：「一不可閒遊玩景，二不可打圍射獵，三不要走馬開弓。若依此三件，太平無事回朝；如不信，有百日災悔。」秦王道：「領兵徵討巨寇，時刻用心，哪得工夫打圍玩景？莫說三件，十件也依得。」李靖說：「殿下既能謹慎，不必言矣！」秦王帶了袁天罡、李淳風保駕，辭高祖出朝，下演武場整點人馬去了。

一定興亡不可移，樂天安分是便宜。